



Broj: 10/E-11-1570/25-2
Sarajevo, ~~11-04-2025~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine, (u daljem tekstu: Komisija II), u postupku javne nabavke: Sanacija, rekonstrukcija, izgradnja, redovno i vanredno održavanje cesta, LOT 2 – područje MZ: Park-Višnjik, Breka, Koševo II, Pionirska dolina, Nahorevo (LOT 3) (Zapisnik o pregledu i ocjeni ponuda broj: 10/E-11-1570/25-2 od 03.04.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „**ADO-TRANS**“ d.o.o. **Visoko**, ulica Očazi bb, 71300 Visoko, broj: P-12/25 od 02.04.2025. godine, za sanaciju, rekonstrukciju, izgradnju, redovno i vanredno održavanje cesta, LOT 2 – područje MZ: Park-Višnjik, Breka, Koševo II, Pionirska dolina, Nahorevo (LOT 3), putem otvorenog postupka, sa cijenom u ukupnom iznosu od **5.838.839,00 KM bez PDV-a**, odnosno **1.946.279,67 KM bez PDV-a** (sa faktorom korekcije), odnosno **2.277.147,21 KM sa PDV-om** (sa faktorom korekcije) i **rokom plaćanja 60 (šezdeset) kalendarskih dana**.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na protokol Ugovornog organa (originalne ili ovjerene kopije).
- III.** Izabrani ponuđač dužan je na protokol Ugovornog organa dostaviti ovjerenu kopiju licence B za održavanje regionalnih cesta ili ovjerenu kopiju ovlaštenja za izvođenje radova na objektima niskogradnje, u skladu sa tačkom 7.3.2. tenderske dokumentacije, u roku od **5 (pet) dana** od dana prijema ove Odluke.
- IV.** Ugovorni organ će sa izabranim ponuđačem zaključiti okvirni sporazum na period trajanja 2 (dvije) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- V.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- VI.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Sanacija, rekonstrukcija, izgradnja, redovno i vanredno održavanje cesta, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-1570/25 od 05.03.2025. godine.

Predmet nabavke je podijeljen na LOT-ove, i to:

- LOT 1 – područje MZ: Mejtaš-Bjelave, Bardakčije, Hrastovi-Mrkovići, Džidžikovac-Koševo I (LOT 2)
- LOT 2 – područje MZ: Park-Višnjik, Breka, Koševo II, Pionirska dolina, Nahorevo (LOT 3)

Procijenjena vrijednost nabavke za LOT 2 – područje MZ: Park-Višnjik, Breka, Koševo II, Pionirska dolina, Nahorevo (LOT 3) bez uračunatog PDV-a iznosi 2.135.000,00 KM, za cijeli period trajanja okvirnog sporazuma.

Obavještenje o nabavci 848-1-3-14-3-78/25 objavljeno je na Portal javnih nabavki dana 11.3.2025. godine na Portal javnih nabavki (www.ejn.gov.ba).

U krajnjem roku za predaju ponuda koji određen tenderskom dokumentacijom (02.04.2025. godine do 11:00 sati), na adresu Ugovornog organa primljene su 3 (tri) ponude dostavljene od ponuđača: 1. „GRAKOP“ d.o.o. Kiseljak; 2. „DEMUS“ d.o.o. Sarajevo i 3. „ADO-TRANS“ d.o.o. Visoko, što je evidentirano u Zapisniku o otvaranju ponuda, broj: 10/E-11-1570/25-2 od 02.04.2025. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitana su cijene ponuda i rok plaćanja, kako slijedi:

r/b	Ponuđač	Ukupno bez PDV-a	Popust	Faktor korekcije (SUM/3)	Ukupno sa popustom bez PDV-a	Sveukupno sa PDV-om (KM)	Rok plaćanja (kalendarski dani)
1.	„GRAKOP“ d.o.o. Kiseljak	6.281.685,25	-	2.093.895,08	2.093.895,08	2.449.857,25	60 (šezdeset) dana
2.	„DEMUS“ d.o.o. Sarajevo	6.069.367,50	-	2.023.122,50	2.023.122,50	2.367.053,33	60 (šezdeset) dana
3.	„ADO-TRANS“ d.o.o. Visoko	5.838.839,00	-	1.946.279,67	1.946.279,67	2.277.147,21	60 (šezdeset) dana

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa zahtjevima iz tenderske dokumentacije, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljene ponude ponuđača: 1. „GRAKOP“ d.o.o. Kiseljak; 2. „DEMUS“ d.o.o. Sarajevo i 3. „ADO-TRANS“ d.o.o. Visoko ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Detaljnom računskom provjerom ispravnosti ponuda, Komisija II je utvrdila da u ponudi ponuđača „ADO-TRANS“ d.o.o. Visoko, u Obrascu za cijenu ponude – RADOVI (Aneks 2./LOT 2), postoji računska greška u dalje navedenim stavkama.

Na stranici ponude, red. br. **4, Obrazac za cijenu ponude – RADOVI (Aneks 2./LOT 2)**, u drugoj tabeli rekapitulacija radova, pogrešno su upisani iznosi za sljedeće pozicije:

- **UKUPNO (bez PDV-a)** - Umjesto pogrešno upisanog iznosa **1.946.279,67**, treba da stoji iznos **5.838.839,00**
- **UKUPNO sa popustom bez PDV-a** - Umjesto pogrešno upisanog iznosa **1.946.279,67**, treba da je stoji iznos **5.838.839,00**.

S tim u vezi Komisija II je dopisom broj: 10/E-11-1570/25 od 03.04.2025. godine od ponuđača „ADO-TRANS“ d.o.o. Visoko tražila da se pismeno izjasni o tome da li prihvata ispravku računске greške u dostavljenoj ponudi u svemu kako je u dopisu navedeno.

Ponuđač „ADO-TRANS“ d.o.o. Visoko je dana 03.04.2025. godine putem e-maila dostavio Saglasnost broj: 258/25 od 03.04.2025. godine, u kojoj se izjašnjava da je saglasan, odnosno da prihvata ispravku računске greške u dostavljenoj ponudi za stavke, odnosno pozicije koje su navedene u dopisu broj: 10/E-11-1570/25 od 03.04.2025. godine.

Na osnovu dostavljene Saglasnost o prihvatanju računске greške ponuđača „ADO-TRANS“ d.o.o. Visoko, Komisija II je konstatovala da ponuda ponuđača „ADO-TRANS“ d.o.o. Visoko, nakon prihvatanje računске greške, ukupno iznosi 5.838.839,00 KM bez PDV-a, te da ova ispravka nije uticala na iznos od 1.946.279,67 KM (sa faktorom korekcije – SUM/3), odnosno na ukupan iznos od 1.946.279,67 KM sa popustom bez PDV-a niti na sveukupan iznos od 2.277.147,21 KM sa PDV-om, koje je ponuđač „ADO-TRANS“ d.o.o. Visoko upisao na za to predviđene pozicije u Obrascu za cijenu ponude (Aneks 2./LOT 2), a koji nisu bili predmet ispravke. Ponuđač u ponudi nije naveo da nudi popust.

Za ostale pristigle ponude kvalifikovanih ponuđača Komisija II je utvrdila da su računski ispravne, te da je ispravno obračunata ukupna cijena ponude sa PDV-om.

U daljem toku postupka Komisija II je izvršila analizu, usporedbu, ocjenu i vrednovanje dostavljenih prihvatljivih ponuda prema kriteriju za dodjelu ugovora, shodno Zakonu o javnim nabavkama, a prema proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača kao sastavnom dijelu tenderske dokumentacije (Aneks 14.).

Primjenom tenderskom dokumentacijom utvrđenih potkriterija 1. Cijena 95% i 2. Rok plaćanja 5% i bodovanjem elemenata iz dostavljenih ponuda, u okviru kriterija „ekonomski najpovoljnija ponuda“, shodno članu 64. stav (1) tačka a) Zakona o javnim nabavkama, Komisija II je izvršila ocjenu i bodovanje dostavljenih ponuda kako slijedi:

R/b	Ponuđač	KRITERIJ ZA BODOVANJE „ekonomski najpovoljnija ponuda“		
		POTKRITERIJ Cijena 95% (bez PDV-a)	POTKRITERIJ Rok plaćanja 5% (kalendarski dani)	UKUPNO
1.	„GRAKOP“ d.o.o. Kiseljak	$1.946.279,67 / 2.093.895,08$ $\times 95 = 88,30$	$60/60 \times 5 = 5$	93,30
2.	„DEMUS“ d.o.o. Sarajevo	$1.946.279,67 / 2.023.122,50$ $\times 95 = 91,39$	$60/60 \times 5 = 5$	96,39
3.	„ADO-TRANS“ d.o.o. Visoko	$1.946.279,67 / 1.946.279,67$ $\times 95 = 95$	$60/60 \times 5 = 5$	100

Rangiranjem ponuda u skladu sa kriterijem za dodjelu ugovora, odnosno potkriterijima 1. Cijena i 2. Rok plaćanja slijedi:

RANG	PONUĐAČ	BROJ BODOVA	UKUPNA CIJENA PONUDE BEZ PDV-a (sa faktorom korekcije)	ROK PLAĆANJA (kalendarski dani)
1.	„ADO-TRANS“ d.o.o. Visoko	100	1.946.279,67	60
2.	„DEMUS“ d.o.o. Sarajevo	96,39	2.023.122,50	60
3.	„GRAKOP“ d.o.o. Kiseljak	93,30	2.093.895,08	60

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača „**ADO-TRANS**“ d.o.o. Visoko, ulica Očazi bb, 71300 Visoko, broj: P-12/25 od 02.04.2025. godine, za sanaciju, rekonstrukciju, izgradnju, redovno i vanredno održavanje cesta, LOT 2 – područje MZ: Park-Višnjik, Breka, Koševo II, Pionirska dolina, Nahorevo (LOT 3), sa cijenom u ukupnom iznosu od **5.838.839,00 KM bez PDV-a**, odnosno **1.946.279,67 KM bez PDV-a** (sa faktorom korekcije), odnosno **2.277.147,21 KM sa PDV-om** (sa faktorom korekcije) i **rokom plaćanja 60 (šezdeset) kalendarskih dana**, sa kojim će biti zaključen okvirni sporazum na period trajanja od 2 (dvije) godine.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 11.250,00 KM u skladu sa članom 108. stav (1) tačka f) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-1570/25-2 od 03.04.2025. godine



Dostaviti:

1. Ponuđaču: „**GRAKOP**“ d.o.o. Kiseljak
ulica Gromiljak bb, 71250 Kiseljak
2. Ponuđaču: „**DEMUS**“ d.o.o. Sarajevo
ulica Patriotske lige bb, 71000 Sarajevo
3. Ponuđaču: „**ADO-TRANS**“ d.o.o. Visoko
ulica Očazi bb, 71300 Visoko
4. Službi za stambene i komunalne poslove
5. Kabinetu općinskog načelnika – Odsjek za javne nabavke
6. Službi za finansije
7. U spis